




關聖帝君全書

四言經序 四言經註解
六言經 救劫經 戒士文
小方便門 救劫篇 醒世詩

卷五



Centimetres
TIPFEN Color Control Patches
© The Tiffen Company, 2007

關聖帝君全書卷五

目錄

四言經序


四言經

六言經


救劫經

戒士文

小方便門




中國社會科學院
世界宗教研究所藏



關聖帝君全書卷五 目錄

救劫篇

醒世詩



關聖帝君四言經序

予漢人也。生大漢之末。值羣雄竊據。手扶漢
 鼎。目無吳魏。意欲掃除姦雄。恢復漢室。望炎
 德之重興。冀冷灰其復熱。此予之志也。此予
 之志也。所恨者。際數之窮。心未得遂。僅延漢
 祚於偏安。志弗能伸。祇存炎劉于一綫。但予
 赤心報國。誓死靡他。此英靈得與天地同無
 疆也。曰赴會山左。路過沃鄉。有椿園王生貞。



吉。劉生之向。馬生白駒等。虔誠拜請。因而降
乩。親授經言。教戒愚民。凡我赤子。速當奉行。
勉之望之。

大漢荆州牧河東關

自題于椿園中

時

大清康熙七年夏月之吉

關聖帝君四言覺世經

一名忠義經

郁世燮注

述志章第一

帝君曰。吾大漢民。世居解梁。值黃巾亂。天下用
兵。行至涿郡。偶遇劉張義聚桃園。約為兄弟。牲
血既盟。生死靡二。吾學春秋。兼習武事。始除黃
巾。虎牢戰布。許田射鹿。義不反顧。有志不遂。良
用歎息。下邳之困。兄弟離散。君猶是漢。罔敢不
臣。曹操奸雄。奏封漢壽。吾奉二嫂。心在故主。感

其知遇。許以立功。謂答楚成。亦如重耳。誅顏及
文。急于報曹。以圖遠歸。他非所恤。封金懸印。義
嚴取典。秉燭達旦。敬慎威儀。匹馬千里。斬將五
關。尋戮蔡陽。會于古城。後邁子龍。周倉亦至。昔
在隆中。隨訪卧龍。孔明稱吾。逸羣絕倫。赤壁之
役。追曹南郡。釋之華容。實踐前言。既督荊州。勸
農崇學。赴魯肅會。談笑自若。水滸七軍。生獲龐
德。名聞華夏。許昌懾魄。拜前將軍。得假節鉞。西

川定鼎。炎德復興。孫權竊據。實為漢賊。罵使絕
婚。志必滅之。時數不逢。平生無補。吾無所長。惟
存忠義。扶漢除奸。不知畏避。年幾六旬。有命在
天。視我丹心。聽我微言。自在天上。心在人中。為
子盡孝。為臣盡忠。父嚴母慈。兄弟恭。夫婦唱
隨。朋友有信。鄉鄰和睦。寬恤婢僕。吾言淺近。大
益身心。為士為官。為將為卒。持誦吾言。功名有
成。為農為商。為工為賈。持誦吾言。資業日隆。民

有貴賤嗜慾不異。居家行路。貿易婚姻。患病犯刑。擄訟鬥爭。山海魑魅。盜賊水火。至誠持誦。諸事成甯。盡性立命。惟此至誠。明善以存。葆光益算。世人險詐。喪心敗德。焦灼自賊。屍行肉走。赫皇天照臨在上。善有餘慶。不善餘殃。戲侮吾言。神明戮汝。

此帝君自述生平以示人。自始至終。無非忠義也。忠義解有二義。以統會而言。則四端萬

善。無不實盡其心。謂之忠。無不各適其宜。謂之義。以專舉而言。則盡道事君。謂之忠。忘身為國。謂之義。二字已該盡帝君生平。至于忠義之原則。又在于至誠。帝君秉天地之正氣。紹洙泗之淵源。故至聖一貫之旨。曰忠恕。亞聖幾希之統。曰仁義。今帝君以忠義存心力。行承一貫之忠。繼幾希之義。合為忠義體。春秋以維持世道。要非至誠。何能如是。觀後歸

本至誠。可見章內事實。詳釋圖考。其曰有志不遂。良用太息。又曰時數不逢。生平無補。此皆聖人不自足之心。忠義矢于中。曰丹心見諸訓。曰微言。世人誠能存心忠義。則君親臣子兄弟夫婦友朋。以及待人接下。各盡其道。倫紀修而風俗醞。其道有不可勝用者。是故上而公卿大夫。下而士農工賈。皆當身體是訓。而功名資業。不以異俸而有成。災難憂危。

可以消弭于未至。聖門以盡性立命稱至誠。以明善示存誠之功。帝君益以葆光一言。殆亦至誠悠久之意。非有異義也。未慨世人忠義不存。喪心敗德。惕以禍福之機。責以力行其實。其反覆戒勉。可謂深切著明矣。

洪濛章第二

洪濛元始。天地未分。大化布氣。是生萬物。陰陽絪縕。秉貴為人。陽餘為男。陰餘為女。化化生生。

乃有倫理。宿命因緣。有善有惡。所作之報。如影隨形。種蘭得香。種粟得糧。因人善惡。禍福不爽。天地一中。五行正氣。大道在人。不可輕棄。保之甚難。失之甚易。若迷不悟。心入邪僻。貪嗔淫殺。永墮囚獄。皆由羣生自作自受。諱聽吾言。免淪凶咎。孝順父母。和睦六親。盡忠秉節。不犯天刑。五體具足。十相端成。此言生物之始。惟人為貴。大道在人。莫如倫。

理。有子曰。孝弟也者。其為仁之本與。孟子曰。人人親其親。長其長。而天下平。蓋言天賦人以形。即賦人以理。而理之得其軍先者。良知良能是也。本此而擴充之。則仁民愛物。俱本于此。上章勉人之意已盡。此章推原倫理。而獨及孝順和睦。忠節蓋舉重以槩其餘也。人之善惡。從倫理而見。天之禍福。因善惡而施。非故為果報之說。易曰。積善之家。必有餘慶。

積不善之家。必有餘殃。然則人受天地之中。稟五行之理。而可敗常亂紀。任大道之失。而勿保乎洪濛混沌未開之貌。元始太極混元之始。網緼陰陽交密之狀。五體具足。十相端成。即盡性踐形之謂。以下各章。總見人之可貴。其要不過修身盡倫。皆蒙此章之義。以申首章之訓。歸身其身。而天下平。蓋言天賦人

氣數章第三

人秉氣數。乃有斯身。風土不同。稟受自異。清濁既殊。智愚攸分。數係于命。氣稟于天。須學至道。以全其元。愚可以智。濁可以清。諦聽吾言。勿虛汝生。

此因人之秉質不同。多以氣數自護者。故教以變化之功。不可自外于大道也。二氣有剛柔之異。五方有風土之殊。人稟氣數以生。甯無清濁智愚之別。然而補偏救弊。原俟乎人。

此聖人有勞來匡直之訓。詩書禮樂之教也。氣數之大在天。如水旱疾疫之類。若相可得而挽回。氣數之小在人。如庸凡愚昧之資。學問可得而轉移。至道即大道。修身立命。盡倫盡性。皆本乎人。苟因循怠惰。自甘暴棄。則愚益其愚。濁益其濁。徒虛此生。可不惜哉。

世道章第四

吾嗟世人不忠不孝。不敬師長。不睦兄弟。夫婦

不諧。朋友不義。不尊天地。不懼神明。不避三光。不重五穀。損人利己。殺生害命。奸淫詐逆。積微成著。諸如此類。神人共棄。先奪其魄。隨殃其軀。舉世昏迷。自謂得計。一旦無常。悲悔何及。諦聽吾言。中有真義。

此慨世道之不古。皆由倫紀不脩。人心悖戾之故。故又備列示人。見不可一事苟忽。蓋人畢生所接。不過君親師長。兄弟夫婦朋友。若

隨其所在。而能各盡其道。則彝倫攸叙矣。更能俯仰動靜。日用飲食。皆知顧畏。且又恕以待人。慈以及物。奸淫勿事。詐逆勿萌。如此則動罔不臧。終身獲福。漸摩成俗。世道自隆。人多反此而行。毋怪乎風俗日偷。而天札日甚。誦帝君之訓。可以惕然思返矣。

居處章第五

人之居處。平安為福。勿奪他人。勿施詐謀。蛇虫

嫁孽。烏鼠送妖。拋磚打石。驚鷄弄犬。影脇夢逼。踰牆窺隙。鬼神昭鑒。庭戶不甯。夜嘯其梁。晝瞰其室。小大惶惑。禍連骨肉。廝役牛馬。亦遭病厲。諦聽吾言。轉凶為吉。

此即居處之一端。戒人循分守己。意損人益己。人情類然。此念不懲。則大而富貴利達。小而服食起居。或以勢尊。或以術謀。顯則結怨于衆。幽則激怒于神。未有能保其所有者。故

人于居處止取容身。貪求者每為廣基業。長子孫計。巧取巧營。彼自喜其術之工。不知災禍尤蔓延無已也。觀此而凡損人益己之事。一切不可苟為矣。

配育章第六

世人配育宜重合婚。三刑六害。隔角交侵。咸池天狗。寡宿孤辰。銀子嗣息。遂至絕倫。不知生時。

太乙在門。聖母衛房。司命在庭。或有冤愆。鬼魅禁忌。致于難產。母子俱廢。諦聽吾言。善念天理。光明正大。蠢斯可賦。子孫振振。有慶無虞。

此言配育。即人倫中夫婦父子兩端。蓋就人所最切者。引之以善念天理也。夫家室永宜。嗣續綿遠。誰不深願。而往往不可得者。何也。天理不存故也。天理者何。事親孝。事君忠。居仁由義而已。蓋利害侵尅。固云有命。神鬼降

凶宜無可避。而善可弭災。德能致福。苟宅心
光明。立身正大。則天理常存。舊愆宿冤。俱不
得而勝之。此正帝君。由于引人處。勿徒作配
育一二事。觀也。咸池天狗星之不祥者。太乙
東方神主生。螽斯詩篇。詠子孫衆多者也。

修建章第七

世人修建。不識陰陽。九壘三煞。犯之必傷。太歲
將軍。竊神太白。金神劍鋒。九良七煞。黃幡豹尾。

飛廉刀砧。主家眷屬。一切鬼神。若值興工。有一
不戒。病疾喪亡。官符橫害。諦聽吾言。修德作善。
百神呵護。永世昌大。

此言陰陽有禁忌。故修建有趨避。然能修德
作善。則陰陽亦不能為災也。九壘三煞等。皆
星辰方向之不利者。修建犯之。殃禍不免。不
知天祐善人。出入起居。猶有默相之者。而况
修建之重乎。德者善之總稱。善者德之實事。

修德作善。不外上章善念天理孝弟仁義之類。

雨暘章第八

天有雨暘。時有豐荒。雨澤愆期。亢旱為殃。祝融煽禍。赤鼠遊城。海若失經。魚鼈不甯。天災流行。世所常有。諦聽吾言。修德以俟。

此承陰陽而言水旱見天災流行。亦惟修德可以回之。洪範以人之肅又括謀聖應天之

雨暘燠寒風。天人之際。感召不爽。故君相修德。可免災祲于一國。士庶修德。可遠飢饉于一身。雍熙之世。上下和樂。雨暘時若。此其驗也。祝融南方神。孟夏令。海若水神。赤鼠出火林國。能興火者。取以明旱象也。修德即上章修德。而不言作善。德可以該善也。

游行章第九

軍戒游行。國之大事。出師對壘。須識風雲。失心

忠義鬼神呵衛。盜賊逞奸。風波繫累。深山邃谷。虎狼出入。大海長江。蛟龍窟宅。幽枉有魂。劫數有會。諦聽吾言。正直無悔。

此即帝君之兵法也。帝君委身致主。扶翊漢統。凡盜賊風波。山谷江海。險阻艱難。所歷殆盡。而奇功屢建。可以動天地。役鬼神。此無他。忠義之所致也。識風雲三字。已盡兵法之要。聖人好謀而成。孫吳知己知彼。俱不出此故。

言人臣為國家。安社稷。定封疆。斷以忠義為主。忠以足其智。義以奮其勇。則克敵致果。所向獲效。幽枉劫會。不足為惑。正直無悔。即秉忠義而不回之意。觀此非特為誥我訓也。敬事後食。大法小廉。乃人臣之誼。則忠義亦何在。而不存乎。讀者可類推而深省已。

符詔章第十

人有符詔。亦命所值。天地年月。日主時刻。赤口

白舌。皆有神司。出入舉動。須知避忌。朝有擊聒。夜有煎搗。面是背非。雀鼠生憂。怨詈詛咒。獄訟繁興。謗讟詆詬。刑憲是存。諦聽吾言。自反其心。作好作惡。皆已不仁。此即至聖使無訟之意。夫潛孚默易。其權固操自上。而安分守己。其俗亦有待於下。後世人心險詐。健訟滋繁。致于破家傾業。往往委之于命。故帝君即與言命。見亦有可以避忌。

之理也。避忌之理。維何。即孟子所謂橫逆不較。仁禮自反而已。蓋訟之不息。由于俗之不讓。俗之不讓。由于心之不仁。此章專以不仁為戒。能仁則能有禮也。赤口白舌。即朱雀騰蛇。主符訟之神。雀角鼠牙。見召南行露篇。疾病章第十一。人有疾病。積久弗瘳。沉卧枕席。其故何由。一心不明。五神無主。三生有劫。四大不舉。平日觸犯。

古聖先賢。廟社靈壇。井竈第宅。起居不淨。供養不誠。冥魂冤枉。牽纏詛盟。前生結孽。怨毒交攻。諦聽吾言。誠心懺悔。善氣來迎。立超苦趣。

此見人能謹身修行。則疾病自寘。夫人理明。則心安。氣靜則神清。心不安而神不清。此疾病所由作也。然亦有致于天者。有致于人者。陰陽失正。五行失宜。感之成疾。此致之天者。醫藥鍼砭。可得而愈。若獲罪于天地鬼神。不

慎于起居動靜。罪愆叢積。心神替亂。致染沉疴。雖禱祀亦何所用。此致之自人者也。苟能平日隨事敬慎。迪德省躬。俾善氣迎而疹氣消。則逸樂壽考。可得而必矣。

命運章第十二

人之命運。萬有不齊。富貴貧賤。各安其分。五行奇蹇。九曜更變。年逢刑冲。運或尅戰。孤辰寡宿。羊刃劍鋒。祿逢于敗。馬落于空。動用凶危。行藏

坎壞。何以禳禦。自省其省。諦聽吾言。順守不忒。此其氣數章相發明。命即氣數之命。運亦氣數之運。似乎有異。然而立言之旨。各有不同。前以生質言氣數。見清濁厚薄。人貴有變化之功。此以貞遇言命運。見富貴貧賤。又當有順守之理。夫子曰。不知命。無以為君子也。孟子曰。莫非命也。順受其正。均是此意。然則人值命運之窮。豈可不循分。而與造物爭乎。九

曜五行之星。及四餘是也。羊刃劍鋒。皆生人支干所忌者。祿馬官祿驛馬是也。坎壞困頓也。自省其身。而修德作善。則動用行藏。自天佑之。吉無不利。此又立命之學。所當知也。

攝生章第十三

人之攝生。須明要道。能屏衆慾。永除諸害。外想不入。內想不出。五臟清涼。六腑調泰。引炁太和。注潤丹元。仍節飲食。法藥保延。諦聽吾言。以永

無愆。

以上各章內俱言教人全身保命意。此又以攝生命篇。蓋就平常用間。示人以調攝之道也。人之戕賊其生。未有不始于慾。聲色貨利之類。一有溺情。則精耗神疲。甚有所嗜不遂。而必欲致之。遂輕其身而不顧。是皆昧于攝生也。惟淡泊甯靜。存理遏欲。則心安身逸。可語長生。內想不出。所以絕外誘。外想不入。

所以貞內養。太和天地沖和之氣。丹元丹田元氣也。慾念息而臟腑皆安。于是慎節飲食。引氣服餌。所謂攝生者備矣。此帝君好生之德。人不可不深體也。

瘟療章第十四

天地瘟疾二十有五。天地蠱毒二十有四。癘瘵之疾三十有六。遭此大患。厥有其故。其故伊何。伏屍故氣。感召傳染。塚訟墓注。諦聽吾言。清心

告天上通三界。下徹九泉。追薦魂爽。超度祖先。藥餌期效。治在心田。

此于疾病中。特舉其尤甚者。以示人見效之有改。當亟思所以拯治也。瘟疫、蠱毒、癘瘵。是謂惡疾。犯之者。鮮得其生。故明示以感召之由。予以禱救之道。而終之以治在心田。蓋言心田不治。雖佞事禱救。猶恐無益。然則修德作善。其可已乎。此又終上章攝生之意。其愛

人益深。做人益切矣。

太朴章第十五

太朴既散。仁義乃興。禮樂爰作。奸邪既行。六義斯失。四民有爭。上不寬恕。下不忠貞。全家疾病。死亡橫生。消耗財物。累罹官刑。性命枉逝。災害相仍。穢雜交染。骨肉伶仃。如此世人。焉致和平。諦聽吾言。敦叙五倫。從謙從厚。必信必誠。守法守分。勿貪勿競。災消禍滅。百福駢臻。

此反覆申前章世道。欲人返朴之意。敦倫修己。待人處事。玄薄存忠。前章言之已詳。所以維持世道者。無以加矣。茲復追仁義之初。溯禮樂之原。見得仁義禮樂。先王總為世道計。深且遠。欲留太樸。餘意于萬世也。自後風俗漸漓。人心遞降。禮樂崩而仁義失。上虐下欺。視為常然。上帝不佑。災疫頻行。獄訟繁興。求古和平之治。不可得矣。故欲轉移積習。惟在

盪滌澆凌。敦崇渾朴。五品親遜。謙厚誠信。遵法循分。同歸禮讓。則和氣致祥。而世道之隆。自與三代媲美矣。六義。即六行。孝友睦姻。任恤是也。

愆累章第十六

吾觀愆累。羣生無情。作多惡業。全無悔心。網維圯裂。大數自傾。兵火四起。玉石俱焚。凶荒洪水。苛政煩刑。生意滅絕。人道將窮。極諸苦惱。何由

離脫。諦聽吾言。毋自放逸。忠孝仁義。服膺弗失。一切善惡。皆由心造。為善福生。為惡禍報。此又叮嚀終上章之意。恐人迷而不悟。故再惕以禍福之可畏。冀其速發悔心也。人情發于性。貴不失其本。若為私欲陷溺。則情流蕩而為慾。慾熾而失其正情。即失其本性。并失其統性情之本心矣。蓋三綱四維。天經地義之所在。苟失其本心。而為臣不忠。為子不孝。

棄仁恃義。俗不長厚。則生意滅而人道窮。凶荒疾疫之災。有不一而足者。人何不為善去惡。速生悔心。而甘沉于慾界也哉。

生人章第十七

人之始生。受命于天。東斗主算。西斗記名。北斗落死。南斗上生。中斗大魁。總鑒眾靈。青帝護魂。白帝持魄。赤帝養氣。黑帝通血。黃帝中主。萬神無越。億劫混沌。幽冥形影。玉帝攝氣。靈風聚烟。

千和萬合。自然成真。真中有神。長生大君。諦聽吾言。珍愛汝生。

此復言人生受命于天。賦畀良厚。而人不可不自愛其生。以答天意也。萃五行之秀。參三才之貴。以有此生。氣得其清。性得其靈。百神為之擁衛。大化為之覆育。苟不自珍愛。敗壞五常。毀滅道德。極情縱欲。以取罪戾。則天雖甚愛之。亦不能為爾佑也。欲求永世者。宜深

省之。此章約總申明洪濛以下十六章之義。

業報章第十八

世之業報。因何而成。刻薄一心。雜亂五情。更生疑惑。所為昏昧。倚恃邪行。背真就偽。不義不仁。不忠不孝。違逆天地。欺君伐國。奸妄肆侵。殘虐百姓。殺戮羣生。戕賊物命。造諸罪惡。冤對無邊。動見患難。災禍橫集。人之行事。鬼神鑒臨。因汝罪釁。加汝陰刑。愚蠢不知。猶是妄行。諦聽吾言。

安分養生。無貪無詐。無盜無淫。存心修己。夙夜以甯。念念勿失。福汝終身。

此典世道太朴。三章同意。提出心字。戒以刻薄。傲以業報。總欲扶世道。還太朴。又前十七章之結穴也。夫直情正行。仁義忠孝。仰不愧天。俯不作人。愛民惜物。乃人道之常體。此而行之。未有不獲福者。不過其心之忠厚也。苟以刻薄亂其情。則事皆悖誤。災害並至。于其

罪之大小。予以報之輕重。有纖悉不爽者。至于貪詐盜淫。尤人所易犯。故經重誡之。人果存心修己。毋從刻薄。動靜云為。時若天地鬼神。臨之在上。質之在旁。則福生禍遠。上可造至聖賢。下可蔭及子孫。帝君前後千言。反覆于天道之福善禍淫。惓惓于人事之徵休徵咎。其道易明。其教易行。其統原于孔孟。其理本于詩書。析之則孝弟忠信。仁義禮智。無一

不具約之則為忠義。而其要不過存心脩己。每章望人為善去惡。有加無已。受持者。其身體而力行焉可也。


六言覺世經 一名一真經

吾是漢關帝君。勅諭大眾聽聞。世上不齊等事。全憑一點真心。正直光明不屈。死生順逆曷分。吾嘗下遊漢季。結盛皇叔三人。桃園義重千古。單刀秉燭於今。寄曹明來明玄。吞吳為漢忘身。上帝憐我忠耿。獨勅宣化幽明。我今日遊天下。鑒別忠佞紛紛。一切貪殘奸巧。還償果報斤斤。軍戎讀書文士。併及官宦軍民。第一休欺父母。

切莫圈套鄉鄰。貧富信交朋友。朋友乃是五倫。信心內外平等。何妨蹇難災屯。曹操無底深。陰現今受罪冥陰。孔明只緣忠智。幽冥亦奉為神。直心直受真福。巧計巧來禍因。有過昭如日月。無私天地同羣。果然兒女不誑。到處鬼怕神欽。設計偷觀女色。自己帷箔宣淫。弄手坑騙財物。葷草嫖賭浸淪。堪堪爭能爭勝。往往越賤越貧。快快收心猛省。休休愈墮愈深。三生輪回惡趣。

千載唾罵難禁。筆尖添減情罪。舌劍反誅滿門。尤恨毒心狠婦。花言啜哄鄉親。咒夫罵公罵婆。令我一見生瞋。泥像揮刀剖腹。分斬母子平均。可喜貧人孝弟。朝夕買辦柴薪。霎時風行泥馬。駝回萬里窮軍。男女遵奉吾語。遇難我自降臨。戰場驅逐鬼魅。刀光雷雨血淋。護國百折不改。助汝加爵策勳。富貴永昌奕世。眉壽永無災侵。如有毀法妄想。斗稱欺哄愚氓。不許生身人世。

阿鼻獄底呻吟。那時悔禍已晚。急早佩服法文。



救劫經

帝君曰。吾大漢良民。恭逢明主。桃園結義。誓除漢世之奸頑。討魏征吳。思存炎劉。於一線。不意三分鼎足。壯志未伸。而五谷遭圍。誤入奸雄之手。荊州失守。答實難辭。乃蒙兄長宏恩。興問罪之師。於白下。君臣義重。至失律之敗。於猗亭。西蜀偏安。有懷莫遂。言念往事。殊深慙愧。前過江南。見人心風俗。日就頹靡。而吾憫世之心。隱然

勅發因奉

玉旨將太微功過格。增而行世。以化愚頑。乃是
人見之。有議以為非者。昨四月十五日。赴瑤池
宴。遇呂冷諸仙。言及此事。皆為太息。今遇吳
生可師。周生大論。虔誠祈禱。因再降筆於此。以
昭前意。嗚呼。人心習尚。何可言哉。不忠不孝不
仁不義。不畏天命。不怕大人。不畏聖言。出口則
以無稽之言為新聞。談笑則以閨閻之說為妙

語。稱富貴則拋姓而詔媚。提君子則呼名而誹
謗。傲慢無知。恃財作孽。求人情急。稽首之角若
崩。利盡交疎。反眼之面如鐵。處豐亨則日就華
靡。不計家中升斗。論人品則心生嫉妬。每求賢
士。瑕疵笑貧。趨富恬不知羞。竟無一人挽其世
俗。人面獸心。伊於胡底。並不喜指出迷津。喪事
用鼓吹。於人死以為樂。冥壽演雜劇。忍害理而
不哀。奢侈成風。何怪乎人貧財乏。天良喪盡。尚

求富貴榮華。有過則多方文飾。不喜人規。作惡則自謂得計。良言轉怒。峻鷓蚌之相持。就中取利。嚼權要之偏聽。假威害民。口似懸河。滔滔者無非妄誕。心如墨黑。輯輯者安有金人。尚曰先民是式。乃敢評古論今。自誇才學無雙。不過吟花詠柳。遇正直則抽身退避。惟恐鮮血沾衣。交朋友則欺心似箭。反藉交情擾害。蜜口如飴。未復久要之約。小怨不釋。常懷報復之私。囂囂然

以古人自待。聽其語無非攻訐陰私。岸岸然與昔賢為徒。考其行都是損人利己。棄父母而不顧。利欲昏心。乖手足而傷殘。戕忍刻薄。嘴同啄木鳥尖。生來即銳。心似黃蜂鍼。毒觸物便傷。每

年觀吾兒所奏。問田宅。問功名。問官事。問謀財。富無一箇問。及陰陽果報。一月計。周倉所稱。許挂袍。許送對。許香油。許修廟宇。無一箇許刻勸善經文。人心風俗。大概如斯。盡其奸險。萬

語莫罄。決洪澤之河。不能以蕩其凶汙。總黃河
之水。不足以洗其澆薄。我之來意。蓋為此矣。
我今在壇。宵小尚狂言議論。如我玄後。顯蒙
何日回頭。然我總不忍以禽獸待人。故不惜
苦口。多方教誡。誨汝諄諄。尚冀諸生之悔悟。言
詞懇懇。猶望殘燭之復明。上體
玉皇之心。下慰
聖主之意。殷殷勤勤。一字一淚。悲悲切切。一句

一珠。及早回頭。放下屠刀。成佛果。速當猛省。撥
開雲霧。見青天。言之者動心。讀之者刻骨。倘見
斯言而不悟。真是惡魁。聞此語而不傷。弗若禽
獸。頑石有點頭之日。何於人竟無靈。豚蛇有聽
經之時。何於人不如畜。良心雖死盡。終有一隙
之明。天理縱全無。豈無再生之路。改改當以
人神自待。思思不妨晝夜提撕。三十條之言
過言功。乃時人之苦口良藥。數千言之教忠教

孝誠百代之規矩準繩。高明當奉之為楷模。愚魯當遵之為法守。論道理則不言禍福鬼神。正人心。須講災祥報應。凡有遵禮而行之者。一年不懈。加功一紀。十年不懈。延壽一紀。如有瘟疫流行。天災時至。作善者必能逢凶化吉。若求功名子息。福壽康甯。遵奉者自然如意。遂心。或有口是心非。妄加毀謗者。則天火地火。人火為殃。鐵鞭金鞭。兇鞭並至。轉入畜生。孽無盡期。事到

臨頭。悔將何及。汝等作頂天立地之男兒。毋為自暴自棄之兒子。是吾之所以厚望也。

咸豐四年甲寅。賢隣邑三十里長樂縣。土匪聚眾五千餘人。殺官搶庫。賊首李進春等。率黨王興甯。色宰倉皇失據。無兵可守。賢叔祖鼎勳公。聞音詣

武廟求卦叩準。即起子弟兵八千人禦之。先是賊欲渡浮橋。直造城下。及至橋。其黨倏若木

雞。盡將所執軍械棄去。自亦不解其何故。有
似束縛待斃者。我軍至。遂殄殲其黨殆盡。噫。
以八百之衆。殺五千之多。若非
帝神威顯赫。而能迫果殺之如是其異哉。都人
士。急赴


聖廟謝

恩。仰見

威宣忠勇公周將軍。遍身汗如雨下。舉衆皆驚。

即設壇扶乩降救劫真經云。

廣東陳卓賢敬述



戒士文

夫四民之中。惟士居首。百善之內。孝行為先。余
 叨職司三教。糾察賢愚。凡遇選士場闈。查考善
 惡。德行優而吉神護。可保成名。冤累重而仇孽
 隨。難期發達。苟一念之未誠。雖窮經而何益。聊
 述往事。以訓諸人。昔用予祈妻遺母。降罰三科。
 俞麟面泚腹誹。削除五福。父歿未葬。陳果兩試。
 無名。母喪不終。文獻一身莫保。何如不匿館金。

之願熊生子翰林善事繼母之陳桂名標鄉榜願減算以延親鼎臣首魁黃甲竭忠誠以孝友翰臣早換青衿至能友於兄弟是亦慰及親心牛宏不究射牛官居宰相彥霄迎養兄嫂子占科名果其倫理克盡尤須立節修身三代不淫女色周吉掄元一宿不納館婦曹生發解鼎甲呼不可二字狀元報騎牆一人弄女自來公客能以疾却東君借種周子謝以天知性善勸阻

友姦雖陋相而忽改福相張泰思更醜婦雖貴形而遽變貧形婢媵雖微原非己色路花甚便亦屬良人淮士戲家婢事未諧而神已怒江潮辭館妓品既端而名亦彰口不道閨閣之言席匡早發目邪晚道路之女劉堯晚成勿謂無知神將默記勿謂不報影必隨形蔣舉放債致富不免賊刑丁湜窩賭謀財難逃憲網郁從周迎機訛謔名籍削除翰宏餘良言勸勉壽紀增祿

祝期生因唆詞刺舌。章齊一以善謔敲牙。若蔡
 虛齋止人造謗。子中狀元。文徵明隱人過失。孫
 登顯任功名之事。甯無據歟。玄取之間。必有驗
 焉。薛玠登進士。夢考祖父陰功。王曾占三元。寢
 見神言獎論。買妻不淫。沂國公之厚德。嫁婢如
 女。鍾縣宰之隆恩。兄弟同形。一念差而兄貴弟
 夭。何劉共社。寸心改而子歿重生。毛公代趙民
 白冤。人不知而神報德。焦生以僕夫還玉。官已

考而天曲成。陶石渠放生功大。名標榜首。胡白
 安拯物衆多。蟻聚筆端。罄篋賠糧。聯登三子。委
 金全命。一舉三台。惟求龜勉。積善以迓天庥。不
 可倚仗。黃緣。而干國法。淫殺妄盜。字字書紳。貪
 黷欺瞞。時時省察。俟樵平路。賑粥濟貧。鷄豚之
 肉可食。非祭不烹。挂體之味甚甘。無賓罔設。至
 於牛犬。一生為主。食之甯不自恠。鴛雁終身不
 偶。殺之豈能忘情。姜學士以食牛暴死。徐尚書

緣戒殺馳名。三世不食牛犬。楊應文高科預定。一方能化屠宰。李遂夫神榜先知。他如借本助屠。一月三火。因夢即戒。二子咸登。物且尚然。人胡不愛。王生代寫休書。榜欲填而又落。唐舉改悔賣券。燈已去而復明。張孝純不嫌瞽女。位至三公。劉廷試不棄病妻。福宜二子。處心正直。不因貧困而怠操修。立志忠誠。豈以難危而易素守。下筆屬文。切思有裨教化。具疏救弊。當求無

害民生。即法在必行。猶圖恩宥。一線刑所難宥。尚其德懋再生。不可報怨稱直。甯堪枉法。玄仁廣刻經文。常行善事。昔王竺發願鑄經。麟兒早賜。汪源繞刻首冊。孀母延年。演說之周。麈易饑饉。而增壽祿。持奉之守業。愈痾疾而得長生。由此留心積德。矢志潛修。則甲第蟬聯。無負余言之勸勉。聲名烜赫。無虛科目之徵求。事有萬千。言難盡述。凡為士者。各宜勉旃。

獸之關分矣。故論信善於今日。若濟急救老。澤人利物。非財勢不能。爾等皆貪士也。未必能行。若正己化人。積德累功。非聖賢不能。爾等皆中人也。未必能行。若戒止葷酒。斷絕嗜慾。非年老者不能。爾等皆後生也。未必能行。以未必能行之事。而欲爾等勉行。是強爾以太難。阻爾以自新也。若擇其極簡易。極便捷。而終不肯行。是爾自暴自棄。諒爾必不其然。茲約小方便門。共二十

四條。特行勸諭。大衆知道。一曰忍。二曰慈。三曰孝。養父母。四曰敬。惜字紙。五曰毋談人過。六曰毋阻人善。七曰毋面是背非。八曰毋口正心邪。九曰毋作難於人。十曰毋自高其己。十一曰毋破人方術。十二曰毋損人器物。十三曰毋迫人財與力。十四曰毋欺人老與貧。十五曰指引失路人。十六曰寬慰落運人。十七曰扶持無力人過。

危樵。十八曰導引不語事者。十九曰飲人
 渴時一勺。二十曰助人公論一言。二十一
 曰昆蟲草木勿妄殺。二十二曰他人妻女莫
 亂想。二十三曰不竭人情。為他人作餘地。
 二十四曰不竭物力。留子孫作受用。以上二十
 四端。不假財勢。不論人品。不拘男女老少。極簡
 便容易。人人可做事。事可為。見此者。即捨天勉
 行。毋得因循自諉。雖曰小方便門。誠能久久遵

行。步步省察。便可漸臻圓熟。而入道之基。作聖
 之源。皆始於此。爾等莫輕小善為無功。莫輕小
 惡為無罪。此初學之要訣也。嗚呼。善非小不積。
 惡非小不成。古人云。失之毫釐。差於千里。故術
 不可不慎。爾等勉之。幸勿自誤。自諉。以辜吾論。

巾黃中。如巢如關。若獻之更迭而不已也。大清定鼎二百餘年。承平日久。奸偽遂滋。官吏紳民。大率逆倫背理。自絕於覆載。上帝震怒。已於數十年前。敕令諸魔王降世。流布瘟疫。蜂起干戈。爾時吾等聞命悚惕。自維由漢迄今。受歷代帝王寵錫。享億萬生民血食。若不竭力救援。尸素安辭。乃偕諸神祇。俯伏金闕。哀懇暫緩。容俟化導。蒙

恩准奏。即速開化。於是徧處飛乩。不時降體。木筆沙諭。千萬其言。自謂可以普渡羣迷矣。詎意積弊海深。挽回無術。開化雖久。悟者寥寥。上帝見斯情狀。謂吾等徒負覺世之名。而無牖民之實。於是命諸魔王。即日興劫。並治吾等開化不力之罪。焚詞毀像。職是故耳。嗚呼。可不懼歟。可不悲歟。現在江漢以上。蹂躪軍苦。似乎玉石俱焚。良莠莫辨。不知妖氛雖惡。天鑑自彰。試

觀殞身者。有非窮凶極惡者乎。傾家者。有非刻薄慳吝者乎。至於修德行仁之士。輕財好義之家。或過其門而不入。或入其室而勿傷。此非人力。實乃天眷。生斯際者。正當竭力向善。以挽天心。或爾借刀行兇。或爾助桀為虐。巧刺鄉里之膏。私圖身家之潤。若此心似豺狼。行同狗彘。正名定罪。萬死猶輕。其暫寄諸頭首者。譬如牢中豕。俟其肥。然後加刀耳。其能久立於世乎。吾奉

上帝命。掌教善惡冊籍。雖以開化獲罪。而一片婆心。殊難終已。且見爾等近日頗知向善。似有一片生機。故不憚諄復。還相告語。夫遠劫自有良方。特患人之不遵耳。方何在。曰孝弟。曰寬厚。曰剛正。曰節儉。四者備而劫自遠矣。不然深山窮谷。雖屬匿跡之區。豈是無入之境。欲以投之巖壑。僥倖萬全。恐我能往。寇亦能往也。尸堆山海。只在目前。惟爾曹留意。

此吾在荊州府降壇法戒。其同而無別者。以地雖異。而開化之理一也。在爾等學士文人。其以此章錄。寫以傳於世。若寫一張傳人者。可免一身之劫。寫十張傳人者。可免一家之劫。寫百張傳人者。可免一方之劫。由此一人傳十。十人傳百。而劫自歸於無有矣。

醒世詩

天地無私本至仁。近來災禍降何頻。只因世上人僥薄。故使紅塵變黑塵。不忠不孝不為良。禮義全無逞暴強。暗害明欺憑勢利。造成罪孽海難當。不惜諂諂告汝知。莫將此語作兒嬉。水流東海難回轉。事到頭來悔已遲。只宜為善急回頭。莫逞強橫與詐謀。一點真誠



71005313

天可格。自然保汝福無憂。
 為人不必苦經營。名利與身孰重輕。事到頭來
 渾似夢。如何偏要用機心。
 真心為善近親仁。千百難尋一二人。善惡到頭
 終有報。陽消陰劫損其身。
 禍福無門總在心。人心不善禍相侵。諸君務要
 勤修善。善積三千百福臨。

